

La diaspora catolica en Russia

Conflict latent cun la maioritad

■ (gsc) **L'Olimpiada da Sotschi, occurrenza sportiva, ha strusch purschi ocasiums da contact cun la realitad sociala russa. Passa 80% da las 142 milliuns olmas è da lingua e d'etnia russa; il rest sa parta tranter var tschient pievels indigens che discurren cunzunt linguas da la famiglia tirca.** Ils zars, da Chatrina (1729–1796) ad Alexi II (1818–1881), han promovì l'immigraziun cunzunt tudestga. 1939 vivevan var 605 000 umans en la Republica autonoma dals Tudestgs da la Volga; 1941 èni vegnids deportads en Sibiria ed Asia centrala.

Bleras sfidas per pouca glied

En Russia vivan anc adina umans che derivan da las populaziuns europeicas immigradas avant l'uscheditga revoluziun da 1917. I èn per part da confessiun catolica u evangelica luterana. La baselgia ortodoxa russa (Bor) calculescha ch'i dettia strusch in mez milliun umans catolics en Russia; ella cuntanscha questa cifra cun dumbrar ensemen las populaziuns da derivanza lituana, polaca, tschecha u tudestga. Ma co èsi cun tschels catolics? La vart catolica manegia ch'i dettia 600 000–800 000 «catolics virtuals» en Russia. L'istoricra Olga Litzenberger (Universitad da Saratov) ha gist publictà in artitgel davart la baselgia catolica en la Russia d'oz*. Ella scriva: «La Baselgia catolica en Russia cumpiglia passa 4000 plaivs da mintgina 10 fin passa 100 com-

membras e commembers (...). Il 1991 han ins restabilì la ierarchia catolica (...). Oz datti quatter diocesas.» L'autura numna lur sedias: Moscau, Saratov (sper la Volga), Novosibirsk ed Ircuzc (en Sibiria). Ella punctuescha: «Ils umans che van en baselgia derivan da catolics, ubain èn umans che tschertgan [Dieu] (...). L'ovra d'agid Caritas ha ina filiala en Russia. L'activitad caritativa da la Baselgia catolica vegn beneventada da vart uffiziala russa (...). I dat però memia paucs spirituals, e l'intschess è memia grond. Il dumber dals augegners variescha fitg, damai che passa 90% d'els ed ils blers conventuals provegnan da l'exteriur. Bleras plaivs vesan in spiritual mo darar; quellas che na possedan ni baselgia ni chaplutta ston celebrar la messa en abitaziuns privatas.»



La baselgia ortodoxa russa (Bor) calculescha ch'i dettia strusch in mez milliun umans catolics en Russia.

ler ed oz

«L'ideologia uffiziala e la societad da la Russia resguardavan il catolicissem, tschientaners a la lunga, sco ina religiun estra ed ostila (...). La schientscha sociala e la mentalitad da pussanza mundiala èn sa svilupadas en Russia en opposiziun cunter l'Occident e sia religiun. Quai ha gi consequenzas era per las relaziuns cun catolics (...). Lezs han patì da la questiun polaca e da las nauhas relaziuns cun la Pologna, cunzunt suenter sias revoltas [cunter la Russia en il 19avel tschientaner] (...). La regenza imperiala ha lubì a catolics pir a l'entschatta dal tschientaner passà da participar a l'activitad dals organs legislativs (...). La dispita tranter la Bor ed il Vatican è vegnida pli critica il 2002, cur che lez ha decidì da transformar en dio-

cesas las quatter administraziuns ecclesiasticas en Russia (...). Quai ha chaschunà protestas vehementas da la Bor (...) che reproschava dapi onns al Vatican da missiunar en l'intschess tradiziunal ortodox (...). La baselgia catolica na vul dentant betg periclitar sias relaziuns cun il patriarcato ortodox da Moscau; ella manegia perquai uffizialmain ch'ins duaja derasar il catolicissem mo tar determinadas gruppas etnicas, sco Lettons, Lituans, Polacs, Tudestgs euv. Ma po ella sa limitar a determinadas nazis: «L'essai cuntogna anc in'intervista cun uestg Clemens Pickel (Saratov); lez deriva dals Tudestgs da la Volga. El rapporta spezialmain dals problems da generaziun: La giuventetgna catolica russifitgada basegna uraziuns e chorals russ.

Ma quai n'è betg tut: «Nossas sis scolinas han in bun num en lur citads. Dapi onns en insaquantas citads purschain nus curs da tgira da malsaus a chasa; era persunal medicinal statal als frequentas.» Uvestg Clemens giada spezialmain ils contacts ecumenics cun las cuminanzas armenas da sia diocesa, la quala tanscha fin sisum il Caucasus (5633 m). El è segir che papa Francestg e patriarc Ciril vegnan ina giada a s'entupar, ma cura?

* Olga Litzenberger, Die römisch-katholische Kirche im heutigen Russland, en: «Religion und Gesellschaft in Ost und West» 2/2014, Turitg (www.g2w.eu), pp. 18–20.